

# ادبیات عمومی و کجیرمشی

هفته لوق سیاسی ، ادبی و علمی غزته در .

جلد : ۱

سنه : ۱ ۲ جمادی الاولی ۱۳۳۵ جمعه ایرتسی ۱۱ شباط ۱۳۳۲ نومرو ۱۷

[ مجموعه من ، رشاد نوری بکک بو کوزل و مکمل مقاله سنی نشر ایله ، قارئیرینه ادبیاتک اهل ایدلش بعض حقائقنی عرض ایدر . ]

## ادبیات ملیه مسئله سی

۳

الهام

اولکی مقاله لرده شکل مسئله سنی کوزدن کجیرمش ، لسان و وزنده ساده بیکه دوغری بر تمایل کورولدیکنی قید ایتشدک . بو تمایلی تفسیر ایتک لازم کلیرسه ظن ایدرم اک عقله یاقین فرضیه شو اولور : شکل غایه موقعندن واسطه موقعنه ایدور . تحسس و تحیل ذوقی لسان واسلوب معمارینسک تأمین ایتدیکی ذوقه تفوق ایدیور و بالنتیجه شکل و روح آره سنده بر یاقینلق وجوده کله که باشلا یور . بو حرکتک ایکسینک تمامیه بر اولماسیله نتیجه لیمه سی و لسان مسئله سنکده بو صورتله کندیلکندن حل اولماسی پک ممکندر .

بو مقاله ده روح و الهام اعتباریله ادبیاتده ملیتک نه اولدیغنی ، نظریه و قاعده ایله الهامزه بر استقامت و یرمک ممکن اولوب اولمایه جغنی تدقیقه چالیشه جغز .


\* \*

ادبی اثرلر قوای روحیه دن هانکیلرینک ، نه صورتله ایشلمه لرندن دوغار ؟ مقصده وارمق ایچون اولا بو نقطه یی - ولوکه اک بسیط شکلنده - کوزدن کجیرمک ایجاب ایدر . ادبی اثر یازمق عملیه سنده نظردقته آلنه جق ایکی جهت واردر : اولا صنعتکارک فکرلری که یونلری مدخر بر سرمایه یه تشبیه ایده بیلیرز . ثانیاً : فکرلرینک بر برلرینی دعوت ایتسی ، بر برلرینه زنجیر لیمه سی حادثه سی که بو کاده « الهام » دییه جکز . یونلردن برنجیسی بر وارلق ، ایکنجیسی بر فعلدر .

شیمدی فکر و الهامی صیره ایله تدقیق ایدلم .

علم روحده کی « فکر » کله سنک قونوشورکن قوللاندیغمز « فکر » سوزندن دهها واسع بر معناسی واردر ، اونک ایچون بو کله اوزرنده بر آرز دورا جغز .

جوایس خیمه واسطه سیله خارجدن آلدیغمز احساساتک خاطره لرینه « خیال - image » دینیورم



[ ۲ - ۸ شباط ۱۳۳۲ ]

هنوز حرب جبهه لرنده بویوک حرکات باشلامادی . بر ، ایکی آیدر تعاقب ایتمکده اولان مهم وقایع حربیه دن عاری هفته لرله بوهفته آراسنده هیچ برفرق یوق . بلا استثنا بوتون جبهه لرنده مسلسل سپر محارباتنک ایجاب ایتمدیکی مصادمات و فعالیت متقابله وار . بو خصوصده اک زیاده غرب جبهه سی کوزه چارپیور . بو جبهه ده کی فعالیت دیگر برلردن زیاده . انکلیرلر اک بویوک قسمی ( آنقر ) چایی حوضه سنه منحصر اولق اوزره . غرب جبهه سنک بعض اقسامنده شدتلی طوپچی آتشرلی و آز چوق مهم تعرضلر اجرا اییدیورلر . فقط هیچ بر شینه موفق اولامایورلر . فرانسلرک تشبثات و حرکاتی انکلیرلر درجه سنده دکلسه ده ، اونلرده فعالیت کوسترمکدن خالی قالمایورلر .

آنجق ، بو هفته ظرفنده غرب جبهه سنده ، موفقیتله توج ایدهن ، و بزم طرفه عائد اولدجه مهم بر حرکت حربیه وقوع بولدی . آلمانلر شامپانیاده ( رهنس ) ایله ( وردون ) آراسنده کاش ( دیپون ) کوینک جنوبنده مکمل بر طوپچی استحضاراتندن سوکره تعرضه کچدیله و فرانسلر لرک ۲۶۰۰ مترو اکنده و ۸۰۰ مترو درینلکنده درت خطنی بالهجوم ضبط ایتمدیله . ۲۱ ضابط ایله ۸۳۷ عسکر اسیر و ۲۰ مترالیوز آلدیلر . دیگر جبهه لر ایچون بویوک برشی صایلامایاجق اولان بوموفقیت ، غرب جبهه سی کی هر قاریشی فوق العاده ترصین و تحکیم ایتمش بر ساحه حرب ایچون چوق مهمدر و آلمانلرک ایسته دکلری آنده اقلی ضایعات ایله اعظمی موفقیت استحصال ایده بیله جکلرینی بر داها اثبات ایدهر . برکیلو مترو قدر درینلکنده بر ضبط ایتمک ، فرانسلرک جبهه لرینک کریسنی امکانک حد فایه سنده تحکیم ایتمک لرینی فخورانه سویله دکلری شو صیراده ، اونلرک دیده انتباه و اندیشه لرینی آچه جقدر . مع هذا بو حادثه منفرد قالدی ؛ مابعدی کله دی . دیمک اولیورکه آلمان باش قوماندانلغی صرف موضعی بر تشبثده بولونمش ، اوراده کی تعبیه وضعیتنی اصلاح ایتمک ایسته مشدر .

غرب جبهه سنده سوک زمانلرده کورولن اوفاق بویوک مصادمات و محارباتده اک زیاده نظر دقتی جلب ایدهن شی آلمان تبلیغلرینک ، آلمان طوپچی آتشرینک تأثیر مخربندن مصراً و کراراً بحث ایتمه لریدر . آلمانلرک سوک زمانلرده بوتون جبهه لرنده و بالخاصه غرب جبهه سنده طوپچی قوتلرینی فوق العاده تزید و کمال ایتمک لرینی آکلاشیلیور . ذاتاً برایکی آی مقدم مارشال هینده نیورغ بر آمریقایی غزته مجابرینه دیمشدی که :

« کچن یاز ، صوم تعرضنک بدایتنده انکلیرلرله فرانسلر بزه طوپچی جهتمدن پک فائق ایدیله . فقط تعرضنک سوکلرینه طوغری بو خصوصده آرا مزده مساوات حصوله کادی . کله جک ایلمک بهارده ایسه تفوق قطعیا بزده قاله جقدر »

بوسوزلری شیمدی وقوعات ده اثبات ایدیور. خصم لریز ایکی سنه متادیا آمریقا فابریقه لریله برانکده چالیشدقن صوکره آلمان اسلحه مکمله سی درجه و عددنده افواه جسیمه ناریه اعمال ایده بیلدیلسه ده آلمانیا ده صوکره بهاردن بری تطبیق ایدلنکده اولان سویلارک مکلفیتی قانونی سایه سنده ، ذاتاً مکمل اولان اسلحه اعمالانه برقات داها کریمی ویرلش و بوسایه ده یاقلاشان ایلک بهار محارباتنده خصم لریزه فائق افواه ناریه نک میدان حربه سوقی امکانی، حتی شیمدیدن، حاصل اولشدره. یوقاریده سویله دیکمز وجهله بوتون جبهه لرده آنجق سپر محارباتی جریان ایدیور. کچن هفته کی نسخه مزده بحث ایتدی کمز، رومانیا جبهه سنده (پوتنا) وادیس یولی اوزرنده کی آلمان تعرضی متعدد روس موضع لری نک ضبطیله نتیجه لندی و تمادی ایتده دی. شو صیراده اورالرده احوال هوا او قدر سردر که بویوک تعرضه امکان یوقدر .

عثمانلی حرب جبهه لری ایچنده اکزیا ده فعالیتنه صحنه اولدیغنی کچن هفته کی نسخه مزده سویله دیکمز، عراق جبهه سنده محاربات بوتون شدتیله دوام ایدیور. فقط انکلیرلر، تبلیغ رسمیلر مزده مکرراً بیلدی لریکی وجهله، بعضاً برایکی لوادرجه سنده کی قوتلری محو اولاجق درجه ده ضایعات ویرمه لرینه رغماً اساسلی هیچ بر موفقیت استحصال ایده مه یورلر . حتی ۶ شباط تاریخی تبلیغ رسمیده انکلیرلرک قسم کلی قطعاتی دجاه نک اون کیلومتر و جنوبنه چکدک لری بیلدی ریلوردی . انکلیر تبلیغ رسمیلرینک بوتون اشاعاتنه رغماً ایوم کوة الاماره صاغلام صورتده المزده در والمزده قالا جقدر. انکلیرلر داها چوق چوق مارت غایه سنه قدر فعالیت کوسته ره بیلیرلر . اوندن صوکره شدید صیجا قمر باصه جنی ایچون عاقل قانغه محکومدرلر .

صحنه سیاسیاتده اک مهم حادثه طلعت پاشا قابینه سنک پروگرامنی او قوماسی و تحت البحر لر آبلوقه سی مسئله لری در .

طلعت پاشا قابینه سنک مجلس مبعوثانده او قودینی پروگرام ، صراحت و قطعیت بیان جهتیه ، شیمدی به قدر دیگر عثمانلی قابینه لری نک پروگرام لرینه پک قانقدر . یریز مساعد اولسه یدی ، پروگرامک خطوط اساسیه سنی اولسون ، بورایه درج ایدردک . یالکز بر فقره سنی اقتباس ایده جکز که بوتون تورکلرک ترجمان روحیدر : « دنیا ده بر تک عثمانلی قالدیجه استانبولدن چیقمایه جغز » .

تحت البحر آبلوقه سی کمال شدتله دوام ایدیور . یالکز شباطک ایلک ۱۵ نده ۳۰۰ بیک طونلق کمی باتیرلشدره . شونی ده دوشونمه لیدر که شباطک ۱۲ - ۱۳ ینه قدر بیطرف کیلزه ویریلن مهل جاری ایدی . دیگر طرفدن هنوز اصحاب سفائن کیلرینی لیمانلردن چیقاراما یورلر . انکلیرلر سوق ضرورتله کیلرینی چیقارمغه باشلا دقن صوکره ضایعات یکونی داها زیاده آرتا جقدر. شیمدی لک یوقدری ده یتر . زیرا مقصد مناقلاتی کسکدر . کرک انکلیرلر ، کرک فرانسلر و ایتالیا نلر کومور و لوازم غداشی و حربیه فقدا تی شدتله حسن ایدیوزلر . بر اجتماعه لورد ( کورزون ) « وضعیت نه قدر ممکنسه او قدر فنادر » دیدیکی کبی لورد ( قارسون ) ده « تحت البحر محاربه سنک بز ی بویوک برته لکه یه قویدیغنی انکار ایتک ممکن دکدر » دیشدر . بوسوزلر کافی درجه ده صریحدر . بکله یه لم . آلمان - آمریقا انقطاع مناسباتنده یکی بر حادثه یوقدر . طرفین سفیرلری یوله درلر . آمریقا ده حرب و صلح له و علیهنده مجادلات و مناقشات وار . بونی ده سا کتانه بکله یه لم .